




MI BANDERA

pa Sr. Julio Maduro (d.f.m.)

**O, Bandera di Aruba
cu color cora, blanco, blao y geel
bula cu tur dignidad
y pregon na henter mundo
e lucha di un Pueblo
pa eterna libertad**

**Bula, o Bandera limpi
y laga e cora di sanger di bo vena
simboliza bo indio
cu na Rooi Frances
a defende su suelo
contra invasor malvado**

**Cu e blanco di pureza
su escudo pa proteha bo giunan
Color di paz, di inocencia
simboliza un conducta
intachable
pa grandeza di bo pueblo**

**Y mas aya di horizonte
permít e blao di lealtad pa perdura
y cu color di bo
lama y cielo
por ser e fuente inagotable
di dushi esperanza**

**E geel den mi bandera
ta simboliza
fortuna y afluencia
pero tambe di e cariño
inmensamente bon warda
den curazon di cada Arubiano.**

Nos Indjan y su Custumbernan

Fuente: documentonan di Sr. Julio Maduro (d.f.m.)

For di varios investigacionnan te asina leo, Arashi lo tabata e prome luga unda indjannan a biba na Aruba. A ser haya restonan di cocolishi y utensiyonan di mas bieo na nos isla.



Na Malmok, no mucho leo di Arashi, na canto di e salina y pazuid di e caminda cu ta bai pa Tierra del Sol, un santana a ser descubri y parcialmente investiga door di mas cu un instancia.

Dr. Engels a scirbi un buki "Eiland der Reuzen, den cual e ta conta tur loke el a descubri. Hunto cu un persona local el a bishita Malmok y a coba, pisa, midi y calcula loke el a haya y mira.

Pero na menos di tres metro di unda Dr. Engels a coba y investiga, un grupo local bao di guia di un aequologo experto, no solamente a haya e santana ariba menciona, pero otro obhetonan di balor historico. E arqueologo a descubri varios cadaver bon conserva y entre nan eskeleto dera bao di e carapacho (casca) di un tortuga. Esaki ta un hallazgo unico, pasobra masque cu e indjan di Aruba ta originalmente di continente Americano, nunca algo asina a ser descubri. Y hustamente e variacion aki ta demonstra e diferencianan cultural di e indjan local.

Na Canashito tambe e indjannan a dera nan difuntonan, ya cu aya tambe nan a biba. Tin varios tumba cu ser descubri den siglo 19, pero no cientificamente investiga.

Nan a haya hopi artefactonan manera cuchio y hacha di piedra. Tambe piedra di mula, aunque esaki a ser haya na tur bario caminda indjannan a biba.

Na Tanki Flip excavacionnan extenso a ser haci y tabata tin un barrio hopi pobla caminda indjannan a biba pa varios siglo. Hopi di e hallazgonan por ser admira den nos Museo Arqueologico.

Aparte di e tur esakinan, e indjan local a laga hopi otro prueba di nan existencia atras. Por ehempel: varios pintura, di cualnan nunca a sali na cla kiko nan ta nifica. Asina nos ta haya pintura den cuebanan di Quadarikiri y Fontein, na Arikok, na Yanana, na Ayo, na Canashito, Cero di Noca y Siribana.

Contrario na loke hopi autor a skirbi, e indjan local NUNCA a BIBA den cueba. E por a sconde di awa o scapa solo den algun cueba, pero no por a biba den nan. E cuebanan ta relativamente chikito, calor y humedo. Ademá no tabata tin animalnan mas grandi cu un coneo of juwana cu por tabata un menaza. Su unico enemigo lo tabata otro indjan.



Chabalito

Number 6 - Año X



3,00

BIBLIOTECA NACIONAL ARUBA



3 0993 00293 242 4